



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Cap. I. De Natura Charitatis.

urn:nbn:de:hbz:466:1-40986

cordiæ divinæ , aut post lapsum in unum mortale multa alia committere , eoquòd æquè facile sit obtinere veniam multorum , quām unius , quasi Deus suā misericordiā esset fautor criminum , contra illud ad Rom. 2. Ignoras quoniam benignitas Dei ad pænitentiam te adducit ? Secundūm autem duritiam tuam , & impænitens cor thesaurizas tibi iram in die iræ , &c. Nam hæc & similia sunt divinæ bonitati , misericordiæ , vel potentia , vel gloriæ , vel providentiæ ac ordinationi , vel justitiæ graviter injuriosa.

PARS TERTIA.

De Charitate.

CAPUT I.

De natura Charitatis.

Q. i. *Quid est Charitas?*

Not. Amor propriè dictus est affectus , quo voluntas adhæret bono , præcisè quia bonum est. Dividitur in amorem charitatis , & concupiscentiæ. Amor Charitatis , seu benevolentia est ille , quo quis amat alterum propter ipsum , & bona illius tanquam bona illius : quia sibi complacet

placet in illius persona, propter propriam ejus perfectionem. Hic amor vocatur amicitia, quando persona amata similiter afficitur erga personam amantem. Amor concupiscentiae est ille, quo quis amat se ipsum, & bona sua tanquam sua, vel alium tanquam sibi bonum.

Resp. Charitas actualis, quæ præcipitur, est actus amoris benevolentiae, quo Deum supra omnia propter se, & nos ipsos, & proximum sicut nos ipsos, propter Deum amamus. Ex S. August. lib. 8. de Trin. cap. 8. Ex una eadémque Charitate Deum, proximumque diligimus: sed Deum propter Deum, nos autem, & proximum propter Deum. Charitas vero habitualis est habitus per se infusus, actuum Charitatis cum auxilio gratiae elicitus.

Quare ex communi, Charitatis objectum materiale primarium est Deus, secundarium nos ipsi, & proximus: nam eodem habitu Charitatis, quo Deum amamus, etiam nos ipsos, & proximum propter Deum diligimus; quia creaturæ intellecutales beatitudinis capaces sunt aliquid specialiter ad Deum pertinens; & Charitas est perfecta amicitia cum Deo: est autem perfectæ amicitiae non solum amare primariò eum, quo cum primariò, & perse contrahitur amicitia, sed etiam secundariò, & propter illum diligere ea, quæ ad ipsum pertinent.

Ob.

Objectum verò formale, seu motivum est Deus ipse, quatenus in se bonus, ac perfectus, sive est infinita Dei bonitas absoluta, quæ adæquatè sumpta est complexio omnium perfectionum possibilium, & infinitarum, sive ipsum esse divinum absolute, & in omni genere infinitè perfectum; nam Charitas est amor benevolentiae, & amicitiae erga Deum; & per amorem amicitiae amamus alterum propter ipsum, & volvamus ei bonum, ut ejus bonum est, propter propriam ejus perfectionem. Hinc Charitas differt ab amore Spei, seu concupiscentiae, quo amamus Deum præcisè ut nostrum summum bonum, seu quatenus nobis bonus est, & nos perfectè beare possemus. Charitas verò est amor benevolentiae, & amicitiae, quo amamus Deum, quia in se bonus est, seu propter suam infinitam amabilitatem; cùm enim Charitas sit virtutum omnium præstantissima, debet habere motivum omnium præstantissimum, ideoque Deum ipsum prout est in se.

Q. 2. Quanam bona Deo velle debemus?

Resp. Deo velle debemus bona tum intrinseca, tum extrinseca. Bona Dei intrinseca sunt omnes perfectiones possibles infinitae, quas Deus habet in se. Bonum Dei extrinsecum est gloria ejus extrin-

trinseca, quæ consistit in manifestatione ejus perfectionum, & in eo, quod perfectè cognoscatur, colatur, laudetur, & ameritur à Creaturis. Itaque cùm amare sit velle bonum, amare Deum est illi hæc omnia bona velle, scilicet velle illi per modum complacentiæ, ac gaudii omnes perfectio-nes infinitas, quas habet; velle per mo-dum desiderii, seu optare efficaciter, & quantum in nobis est efficere, ut à nobis, & omnibus Creaturis cognoscatur, laude-tur, colatur, & perfectè ametur.

Q. 3. An charitas est virtus omnium ex-cellentissima?

Resp. Aff. Constat ex i. ad Cor. 13. Major autem horum est charitas. & ad Coloss. 3. Super omnia charitatem habe-te, quod est vinculum perfectionis. Quip-pe habet objectum, & motivum omnium perfectissimum; attingitque Deum modo perfectissimo, nempe propter seipsum,

Q. 4. Quinam sunt charitatis actus proprii, & eliciti?

Resp. Sunt amor, benevolentia, affectus unionis, complacentia de perfectionibus divinis, desiderium ejus gloriæ, &c. Odi-um, & dolor circa malum bono divino con-trarium ut tale, scilicet peccatum.

CA.